



ԵԿԵՂԵՑԱԿԱՆ ԲԵՄ. ԼՈՒՐԵՐ

Հուլիսի 2-ին, կիրակի.—Վարդավառ: Պայծառակերպություն Տեառն մերոյ Յիսուսի Քրիստոսի:

Այսօր Մայր Տաճարում, Ավագ ա. սեղանի վրա, օրվա մեծ տոնի առթիվ, հանդիսավոր ա. պատարագ մատուցեց Մայր Աթոռի դիվանապետ գերաշնորհ Տ. Ներսես արքեպս. Պողոսյանը և «Հայր մեր»-ից առաջ ղոգեշունչ քարոզ խոսեց (տե՛ս էջ 36):

Հուլիսի 3-ին, երկուշաբթի.—Յիշատակ մեռելոց:

Այսօր մայր Տաճարում, Ավագ ա. սեղանի վրա, ա. պատարագ մատուցեց Տ. Խաչատուր քհն. Ֆրանկյանը:

Հուլիսի 9-ին, կիրակի.—Այսօր Մայր տաճարում, Ավագ ա. սեղանի վրա, ա. պատարագ մատուցեց Տ. Նարեկ քհն. Մատարյանը: «Հայր մեր»-ից առաջ բովանդակալից քարոզ խոսեց ուխտավորաբար Մայր Աթոռում գտնվող պարսկահայոց առաջնորդ գերաշնորհ Տ. Արտակ արքեպս. Մանուկյանը (տե՛ս էջ 13):

Հուլիսի 16-ին, կիրակի.—Այսօր Մայր տաճարում, Ավագ ա. սեղանի վրա, ա. պատարագ մատուցեց Տ. Ստեփանոս վրդ. Չաքալյանը և «Հայր մեր»-ից առաջ քարոզ խոսեց՝ «Գնացե՛ք այսուհետև աշակերտեցե՛ք զամենայն հեթանոսս» (Մատթ. ԻԸ 19) քննաբանով:

Հուլիսի 23-ին, կիրակի.—Այսօր Մայր տաճարում, Ավագ ա. սեղանի վրա, իր անդրանիկ պատարագը մատուցեց Տ. Մամիկոն արք. Քիլեճյանը և «Հայր մեր»-ից առաջ քարոզ խոսեց՝ «Ձի եթե անտարաճեմ, ոչինչ եմ ինչ պարծանք, քանզի հարկի վերայ կա» (Ա. Կորնթ. Թ 16—17) քննաբանով:

Հուլիսի 30-ին, կիրակի.—Այսօր Մայր տաճարում, Ավագ ա. սեղանի վրա, ա. պատարագ մատուցեց ուխտավորաբար Մայր Աթոռում գտնվող Տ. Խաժակ վրդ. Պարսամյանը և «Հայր մեր»-ից առաջ քարոզ խոսեց՝ «Ձի այնպես սիրեաց Աստուած զաշխարհ, մինչև զՈրդին իր միածին ետ» (Հովհ. Գ 16) քննաբանով: